

孤

樹

裏

談

孤樹裏談卷之四

丁集

仁宗

宣德紀元

○永樂二年七月翰林侍讀李士王達講乾之九四率儲貳為
說講畢 殿下召問臣士奇經旨于此必无儲二之說達不
含譏否臣士奇對曰講臣非正道不陳豈敢含譏此書宋儒
胡瑗之說 殿下云對我言此常人得此爻亦率此說乎對
曰 殿下此問最好因率程子云九卦中六爻人人有用聖
夫有聖夫用聖人有聖人用君有君用臣有臣用无所不通
又率王昭素對宋太祖之言以對 殿下悅又對曰今翰林
春坊諸臣分撰諸經講義

上旨命內閣之臣閱過有未當處悉与改正然後呈 御覽允當
然後以講內閣解縉專閱書胡廣閱詩金幼孜閱春秋臣士

奇閱易昨日進呈此條 上問儲貳說有據否臣士奇對以胡瑗之說 上甚喜蓋講臣非有據不敢妄出意見

殿下喜自是講義有疑處必召解胡寺四人相與辨折暢而後已遂作數鉅冊命春坊司經局臣分錄講章以備常閱 殿下監國視朝之暇專意文事因覽文章正宗一日諭臣士奇曰真德秀孝識甚正選輯此書有益孝者臣對曰德秀是道孝之儒所以志識端正其所著大孝衍義一書大有益孝者及朝廷為君不可不知為臣不可不知君臣不親大孝衍義則其為治皆苟而已 殿下即召翰林典籍取閱既大喜曰此為治之條例監戒不可无因留一部朝夕自閱又取一部翻刻以賜諸子且諭臣士奇曰果然為臣亦所當知遂賜臣一部蓋 殿下汲于善道如此

上在東宮稍暇即留意文事間與臣士奇言歐陽文忠文雍容

氣象醇厚近三代生不同時之歎且愛其諫疏明白切直卒以勸羣臣遂命臣及贊善陳濟校讎歐文正其誤補其闕厘為一百五十三卷遂刻以傳廷臣之知文者各賜一部時不過三四人而止恒諭臣曰為文而不本正道斯无用之文為臣而不能正言斯不忠之臣歐陽真无忝矣庠陵有君子士奇勉之臣叩首受教 三朝聖諭錄

○太宗皇帝在北京有白鵲之瑞行禮部行南京慶賀

監國下及五府六部例各進表時士奇以病在告 監國表

命庶子贊善撰呈稿 殿下不悻 命尚書蹇義持以示臣士

奇曰甚寔寥且不着題以賀白鹿白龜皆可 命臣士奇改

益士奇改一對云望金門而送喜馴彤陛以有儀后增一對云

布鳳同類瞻上于帝舜之廷如玉其輝翬上在文王之囿義

以進 殿下喜曰此方是帝王家白鵲適內厨進膳遂命內

使陳昂撤以賜臣且傳 旨諭臣曰其勉進菜食早出非但倚卿文孝久不聞直諫之言慮有過不知急得相見也同上
○永樂七年贊善王汝玉每日於文華殿後道說賦詩之法一日 殿下雇臣士奇曰古人主為詩者其高下優劣何如對曰詩以言志明良喜起之引南薰之詩是唐虞之君之志最為尚矣後來如漢大風歌唐太宗雪耻酌百王除亮報千古之作則所尚者霸力皆非王道漢武帝秋風辭氣志已衰如隋煬帝陳後主所為則万世之鑒戒也如 殿下於明道玩經之余欲娛意于文事則兩漢詔令亦可觀非独文詞高簡近古其間亦有可裨益治道如詩人无益之辭不足為也
殿下曰

太祖高皇帝有詩集甚多何謂詩不足為對曰帝王之孝所重者不在作詩

太祖高皇帝聖孝之大者在尚書註諸書作詩特其余事於全
殿下之孝當致力於重且大者其余事且姑後

殿下又曰世之儒者亦作詩否對曰儒者鮮不作詩然儒者
之品有高下高者道德之儒若記誦詞章前輩君子謂之俗
儒為人主尤當致办于此 同上

○永樂中御史李祥舒仲成嘗奉

勅理木植稅課之弊王汝玉與焉汝玉 上監國時所愛者

令旨命祥等削其名勿奏二人力言不可萬一

上有聞得罪及重既寔意遂已犯者後皆苟免及

上嗣位尚書遷義因奏仲成他事

上曰是嘗為御史查理木植稅課者乎對曰然曰李祥安在對

曰丁母憂去矣時仲成已陞湖廣憲副即

命都察院捕治仲成臣士奇聞之進疏曰向來小人得罪者多

陛下即位以來皆已宥之今又追理前事即詔書不信漢景帝
為太子時召衛綰稱病不赴即位進用綰前史韙之

上覽之喜即有青罷后仲成而降

勅獎諭臣且賜米及鈔幣又面諭之曰有卿尽心如此朕復
何憂面書附

勅少傅楊士奇覽卿所奏遣朕以仁助朕以德欲朕為唐虞之
君惜俊良共成王化此實金石之言誠為忠良股肱之臣也
朕朝夕所慮恐卿等以朕尊居宸極畏有譴責不肯進言今
覽此奏朕甚欣喜足耐千衷但望卿始終如一知无不言以
副朕委託之意共成王道之美朕深感卿特賞卿白米十石
綵幣二表裡寶鈔二千貫實彰眷待非應故事卿其領之以
慰朕懷故勅同上

○仁宗皇帝正位東宮皆轉春坊官凡早制纂修等事惟翰林

院掌之无内閣掌管之說也如永樂十三年纂修性理大全
書成翰林院李士蕪左春坊大李士奉政大夫胡廣奉政大
夫右春坊左庶子蕪翰林院侍講楊溥奉直大夫右春坊右
諭德蕪翰林院侍講楊溥奉直大夫右春坊右諭德蕪翰林
院侍講金幼孜上表進呈蓋雖春坊官必須蕪翰林院或方得
與纂修之事未有殿閣大李士而獨專纂修之事者也况永
樂間胡廣所辦不過左春坊大李士則是時殿閣大李士不
設已又矣今雖尚書在內閣辦事六部請判手本只云合用
手本前去翰林院偶新施行則舊意犹存可攷也終永樂之
世二楊官止五品蓋為衙門所拘初未有衙門小官大之例
也 又溪雜記

○太宗既久不見 皇儲亦頗思之一日命召之勃既具未命
使人進曰請令夏原吉往

上問何故對曰

皇太子久不蒙召一旦忽有命必過疑或致

他虞上歎服從之比原吉至

仁廟初聞之果驚怖謂或有後命頗欲自裁問誰對

對厚吉

仁宗曰原吉來必能為我調護當且見之及見原

吉備道

上青

仁宗乃安即与就道

野記

○仁廟在東宮時嘗觀二內侍奕棋因命曾子棗先生庵制詩

云兩君對敵立雙管坐運神機決死生千里封疆馳鉄馬一

川波浪動金兵虞姬歌盡悲垓下漢將旌旗逼楚城兵盡計

窮征戰羅松陰步影滿殘枰

仁廟和云二國爭強各用兵擺成隊伍定輸贏馬行曲路當先

道將守深宮戒遠征乘險出車收敗卒隔河飛砲下金城寺

閑識得軍情事一着成功見太平詞意宏偉尤勝前詩君臣

之器量見矣

瑣錄

○永樂甲辰九月癸未禮部尚書呂震言於

上曰今喪服已踰二十七日請如

太祖倣漢制什服緣易服震奏已遂退通語羣臣明旦易服士
奇謂震曰今喪服未可此例蓋洪武有遺詔且

仁孝皇后崩

太宗皇帝在上緣服後仍服數月白衣冠經帶今上於

皇考乃遽即吉乎時黃淮同余意然不敢明言忤震上厲声忿

余曰朝廷每事被尔糾尚書塞義役旁解之曰渠言當理國

家事公豈應偏執已見請兼取二說明日君臣皆素衣冠黑

角帶遂偕六部都察院具奏報可明且

上素冠麻衣麻經出視朝文臣惟李士武臣惟英國公如

上所服余文武羣臣皆從義等所定朝定

上召蹇義原吉及臣士奇等諭曰呂震昨奏易服一皆與汝

昔議之前後奏時吾已疑其非但所臣下易之梓官在殯
吾豈忍易後聞士奇之可有言始知震妄士奇所執是因噎
曰張輔知礼六卿乃有不及又顧義曰汝所折中亦未當然
不必再以語人羣臣听其便

○上御思善門選用東宮官命戶部尚書郭資為太子太師仍
兼尚書兼義夏原吉力言資偏執妨事且病請令致仕

上意可召臣士奇語以二人之意且曰先帝初奉義兵一切
軍需糧餉皆出資調度吾時居守竭誠輔佐甚得資力今出
危履安吾嗣大位乃遂弃之吾誠不忍臣對曰故舊无大故
不弃以皇上聖仁上問臣資為人果如何對曰資強毅
人不得干以私但性偏執非量沮格恩澤不流于下

上問其故對曰一韶勅數下蠲免灾傷祖稅資不听開除必責
有司依歲額徵納此其過之大者然耿介能守廉非中听及

上曰吾在此又有原旨与之同事當不復偏執矣乃不從二人言元幾幾夏又數上言資偏執妨事不去資仁政必為所格上強從之命資以太子太師戶部尚書致仕至書褒諭賜銀鈔絳帑甚厚資歸踰月

上念之不置問諭臣曰先使大臣怨乎不以資其謂我何吾欲遺人視之少加賜資對曰賜資有時而足洪武中有尚書致仕給全俸者今北方倉廩少儲得減半給之可常足用

上喜即命戶部給資半俸上之薦于故舊槩類此三朝聖諭錄

○仁宗皇帝日記萬言

太宗稱之為昭帝聖孝緝熙詞翰並精尤喜本業在青宮時每得試錄輒指摘瑕疵手標疏之以示宮臣往往審當語之曰使我應本豈不堪作狀元天子耶野記

○仁廟體肥碩腰腹數圍上常令太子諸王習騎射

仁廟苦不能上見轉志今有司減削肉食某官每供膳私益

以家穀仁廟德之上知醢其人仁廟登極乃官其后

仁廟失意于文皇每舍慍言何以了事仁孝每勸之一日

內苑曲宴又对后詈之色怒甚既而曰媳婦兒好他日我

家虧他撐持又曰吾不以媳婦故廢之久矣謂仁孝也時

先在侍忽不見上令覓之乃在熨室手製湯餅以薦比薦

上大喜復至感泣命痛飲而罷野記

○永樂十五年上在東宮上筮專用揲蓍而斷以周易凡後

世俗占法皆不用嘗命臣士奇纂六十四卦三百八十四爻

朱氏本義要旨為一編既進

上悅名曰周易直指臣進曰周易固為上筮作然文王周孔彖

象上翼之辭凡修齊治平為君為臣之道悉具請編緝以進

用備覽閱從之踰年輯成以進

上覽之大喜名曰周易太義賜臣士奇綉衣銀帶先是徐好古作尚書直指金幼孜作春秋直指皆已進之

上諭臣曰凡此皆書數本於齋閣書殿寢室各置一本得備觀覽蓋上素好學如此三朝全諭錄

○文帝初仁宗為皇太子帝命監國居留都又以其柔仁令漢虜人輔之虜人于諸王中特雄桀勇力絕人極精弧矢每從上蒐畋射生特多有鳥並柯而棲虜人連發二矢前矢已貫禽偶棲者未竟而后矢已及遂照翻而墮焉其妙如此上嘗稱之謂昔有一箭落双雕之譽我漢王豈不匹休之及輔監國既久屢欲歸朝無計然

帝憐為國監重自又不可少之每思欲在左右後公以事如南都虜人因託陳委曲歸言於

上上即命召至繼令之國於時反謀未嘗一日忘暨

仁宗踐祚時人亦輕之姑俟機而發无何

仁宗晏駕庶人謂我向在兄未正位時犹欲居之兄在亦應竟取况姪乎逆謀遂决

○永樂廿二年八月辛士楊榮自行在还報大行晏駕

東宮殿下即遣皇太孫出居庸赴開平迎梓宮時京師諸

衛軍皆随征聚行在惟趙府三護衛軍留京師一時浮議藉藉慮護衛為变遂秘未發喪皇太孫瀕行啓

東宮殿下曰出外有封章曰事非印識无以防偽東宮殿下

顧臣曰渠言良是但行急新製則不及臣对曰殿下未踐

祚今居喪无所事有事自德行常用之寶東宮小圖書亦間

太孫出外无行事惟有上票朝廷之事可假之行此出一時

之權帛即納上東宮殿下即收付太孫曰有啓事以此

封識来此亦久當歸汝上就宿之既行殿下顧臣曰汝此

說是雖出後世亦事机之合實書

大行臨御儲位久未定浮議喧騰吾今就以付之浮議何由與
又曰自今朝廷之事使寒暑汝但寒亦有遲疑汝須尽心汝
二人吾當重用不輕也對曰 殿下嗣位朝廷大小事皆當
公以厭服天下之心源溥恩及下然必先扈後征行之臣
若漢文即位首進宋昌史書以為貶此當深戒臣兩人日在
侍近 殿下必不遺惟不應先及此

殿下初政收人心之機也 三朝聖諭錄

○永樂二十二年八月十七日臣士奇新改華蓋殿太宰士謝
恩畢聞折新司奏准循歲例賦北京山東棗八十萬宮禁香炭
之用士奇入將奏之時寒義夏原吉奏事未逮 為

上望見士奇咲謂寒夏曰折華蓋太宰來奏事必有理試共听
之臣言詔下才兩日今聞折新司傳 旨賦棗八十萬得无

過多雖是歲例然詔書所減除者皆歲例

上喜曰吾固知學士有理吾數日來宮中事叢脞此是急遽中
谷之不暇致審即命減除四十萬又顧寒夏及臣士奇曰汝
三人吾所倚非輕但有事須盡言庶幾以輔吾不逮同上

○解縉侍

太宗論及羣臣御書寒義等十人名命各疏于下既奏

上以授

仁宗曰李至剛朕洞燭之矣余徐驗之後十余年

仁宗出其奏十人者示楊士奇曰人率謂縉狂士縉非狂士
向所論皆定見也此事楊公既著于聖諭錄於解墓碣內

又載之墓碣載解初被庶人譖出為廣西叅議以李至剛言
其怨望又改交趾后入奏事庶人復有言遂徵下獄后三年
病死獄中按李至剛墓表亦楊所作載李言解事詔下獄而
并下李今莫知其悉李之言解其因解有誕而附勢雖才不

端之奏而怨之故欤

上之并下李也所謂洞燭之者有在矣噫小人之怨君子事每如此小人終亦何利解死獄中而李不死則命也

仁宗臨御既明解冤又官其從子為中書李雖貴緣官官故為通政尋出知遠郡賢否在

聖衷其彰上矣乎

餘冬

○永樂中臣同尚書蹇義侍

仁宗皇帝監國義重原老成更歷多而疑慮深臨事寡斷每同承顧問一事之間義常持兩端猶豫未決臣進曰有事須行无終不決之理上曰然受事皆應復

命豈得不決義曰事當熟慮上不熟有後患故必應詳審

上曰義言亦是臣對曰凡事豈得不思但思多則惑即思而有疑則擇一端近于理而可對上言者行之

上咲曰此須兼知仁勇自今議事只加士奇言擇當理者役之不須多思致惑

○仁宗登極始以東宮舊臣陞楊士奇為禮部侍郎尋陞少保轉少傅兼華蓋殿大學士楊榮為太常卿進太子少傅兼謹身殿大學士又陞工部尚書在閣辦事楊溥永樂間繫獄十年至是釋出擢翰林院學士尋陞太常卿兼學士內閣辦事此三人皆以龍飛起陞委任不可以例論也后楊溥丁憂起復不入閣宣德間因九年三品職滿方陞禮部尚書學士如故

雙溪雜記

○永樂二十二年十二月庚午百官習新正儀於海印寺用樂明日臣士奇等進言近禮部與臣等已議定新正朝儀不用樂昨日習儀所仍用樂不似今四方朝覲官皆集于此觀禮乞勅禮部設樂不作不似蓋尚書呂震復言臣等所議不

當榮幼孜皆欲已榮即趨出臣与淮不可三人遂復進言夜漏下十刻未得 旨午門官入奏臣等尚未退遂有

旨命礼部設樂不作正月初二日特 召臣士奇四人奉天門諭之曰呂震每事誤朕卿等所執停樂是為君以受直言為美不受直言則过益深為臣以能直言為賢不能直言則忠不尽如昨日朝會從呂震言今悔何及賴汝等尽心遂免此悔自今遇朕行有未當但尽意言之毋以不從為慮各賜鈔千緡文幣一表裡 三朝

○仁廟好文之主官僚鄒濟徐善述王汝玉以及楊士奇梁潛

蔣 御醫周文等皆被詩文宝翰之 賜甚厚予前年議事

問軒崔二憲長於兵部後堂閱馬尚書 賜物見刻本

仁廟御製文內具為近得天台徐氏所藏 令旨一通永樂十六年三月初二日 皇太子書一通冬至 賜詩一首永

樂十五年九月二十二日
呈試王業古詩一首
問古詩各一首十月二十七日

聖製必已具刻茲不盡錄
文禮美之盛德云爾其文曰
令旨書各一以見
昭皇帝崇

令旨說与好古尔將選詩內取易入手解意的詩分類賦比
興三字每字要十六句八首十二句八句八首尔為選擇王鑑
直明日早要進來看又聞卿染疾可稍得否乃冬寒善加湯
藥順時將息 旨不彀及 皇太子致書督善好古先生余
欲卒作表卿可一如詩題立例意思余為構文請益好古其
詩題与表題間日封進以廣琢磨今晨覽卿為余所收之詩
甚是丰采清雅直有益于日新但卿疾不痊未及存問日見
擾煩 尚古優待高年才望之士乎然優待心豈忘 朝夕
但卿今年近恐余為孝有目似卿朴直苦口者百无一二面

謾順頌者比上有之故特相之視縷者為卿才德直應超卿
康健薦干其事卿无憚勞獨干成業惟望樂石之言日甚一
日毋務犯鱗能諱之慮者余成李振谷之礼豈得忘之春暖
猶寒當善為湯藥順時將息以慰余怀 旨不爰及永樂十
六三年三月初二日

永樂二十二年十二月兵部尚書李慶言 上曰今歲北方
之民畜馬頗番皆送至京已散軍伍操用尚餘數千欲散民
間畜則民甚弊不可重困之今遠近方面郡縣觀朝官皆集
請每員給一馬俾畜可散一千余匹正官給牝佐貳以下給
牡太僕苑馬寺歲課其息有虧罰与民同 上令寒義夏京
吉商略可否以聞二人奏如慶義 命已下臣士奇聞之謂
慶言必不可行慶愈甚不納臣士奇遂詣宸前力陳不可曰
朝廷以礼徵美上者授方面郡守次者授百執事今皆役之畜

馬以蘇民是貴民而賤官矣時寒夏皆在侍

上曰士奇論當慶固无識汝兩人亦言其便何也兩人對曰初慶与臣等言此出陛下意必欲行之非謂出於慶也

上曰幾誤朕矣頃臣士奇曰少頃批出罷此令明且復奏

陛下許臣罷散馬之令豈遂中止如必欲行此令天下懷材抱德者自此誰肯出生蓋虧損一馬必責陪償破家費產累及子孫且所散不及三千而朝廷負此名於天下后世誠非佳事上曰吾偶因事稽緩耳明日必批出又明且復奏內批兩日不出兵部已督責驍騎官多領馬矣且今所領多在駒初受羈絡南方人軟怯不能控制立視其奔逸有號泣衢路者矣臣恐將來遠慮者非但不願仕亦无志李問此令失之非小上曰吾即批出不妄也卒刻

上御恩善朗召士奇論曰內批豈真忘之初聞汝言即遣人覲

李慶昌震等意渠輩容口忿尔朕心尔孤立意為中所傷固不欲因汝言而獻此令今有名矣出示一章乃陝西按察使陳望言風憲受制

上曰尔就據此章勅止散馬臣士奇叩首對曰古人有言陛下知臣臣不孤矣但馬已有領去者望如何處之

上曰已領者准洪武中官員乘馬例給之不責生息虧欠亦不責償未領者悉止未散之馬給邊軍操用上復頤曰繼今今有未便惟密与朕言此輩多不識大体但皆

先朝舊臣未可遽退之

三朝全論錄

○仁宗嗣位初一切政議與者三四人而蹇夏二公先眷鼎盛楊文貞公撰蹇忠定公墓誌載當時所賜師傅之臣銀章各一日繩紆糾繆蹇首被賜

上謂之曰朕有过幸卿但具疏用此封疏識進來夏忠靖公莫

誌亦言之楊文敏墓誌云

上命範銀為方寸印四枚以賜師傅公与金幼孜同受其一其文云云是知蹇夏楊金四人是已然金文靖公墓誌又云賜大臣五人銀鬲書文並同前按楊文定公于文貞神道碑載公當時被賜銀章一其文同前然則賜五人為是蹇誌洪熙初賜諸蹇公等誥詞

上特增二句勿謂崇高而難入勿謂有所從違而或怠夏誌不書今忠靖遺事載此誥詞且記

上諭曰此朕实心蓋望公等匡輔之切也按陳祭酒敬宗所撰黃文簡公墓誌此誥詞蓋亦同被賜者而繩愆糾繆之章弗及焉一時特恩固各有所在耶我

祖宗之所以望大臣者如此宜諸公之各尽其才也 餘冬

○上嗣大寶之三月特詔吏部令京官五品以上与御史給事

中及外之布政按察司與郡縣之長吏各奉才德堪守令者
命下少傅楊士奇與翰林侍讀李士直合議奉左春坊中允
張宗璉應詔將上以奏時中外皆未有奏者而禮部郎中
黃鍾最先奏宗璉會

上擢用舊宮臣以宗璉為大理寺右寺丞當之南京出

上親命固非用鍾言而鍾遂以知美名縉紳間上臨御以來
倦上為哀矜庶獄雖笞罰不自用必付廷論每憲臣奏讞議
必懇諭之欽恤之意矧大理天下之平宜夫親擢而后授也
○仁廟在位時一日內臣道及

太宗皇帝晚年欲立趙府為儲諭意於東楊上即對以趙府而
鼻欬側不正遂宜趙府熟視頃之意頓罷

仁宗聞之即日降內批陞東楊少傅護身殿大學士西楊得旨
懷進請加太子二字於少傅兩傍乃傳出未幾復陞兼工部

尚書夫立趙之意素所未聞豈內假以為東楊地乎而加太子二字西楊亦未必然厥後

宣宗因東楊便殿奏對手執其牙牌曰今在我身邊如何尚帶此牌可即去了太子二字東楊遂叩頭謝后實錄完乃同西楊進少師

○漢庶人既獲繫于禁省以鉄鐐繫其足而維以長木曳地及見上庶人以足運曳木廻拉上足上踣庶人將遂為弑逆左右急扶

上起而免即以銅釜覆庶人燔之

野記

○洪熙元年正月吏部傳

旨命臣士奇兼兵部尚書三俸俱支士奇明目見

上叩頭辭尚書之職曰少傅殿奉士二職臣已過分尚書二職更不敢當上厲色曰黃淮楊榮金幼孜皆受三職汝独二

朕外間將謂朕何汝必勿辭士奇叩首言請辭尚書之俸
上曰汝勞勤二十年一志不懈故以得相酬何用尚却對曰請
必辭俸尚書月俸六十石國家可養六十卒臣受二俸犹惧
過分敢望復加、上曰不受俸米可折支俸鈔對曰鈔亦俸
也與米但異名耳時尚書蹇義在傍言於

上曰听其辭李士一俸亦可臣士奇曰辭俸當辭厚者何用取
虛名 上曰朕成汝志遂听臣辭復顧義曰廉介之風士奇
有焉於是黃淮亦辭戶部尚書俸 三朝圣諭錄

○礼部會試天下國初惟南方士子中式居多而南方惟江西
吉安為盛北人曾不十之一洪武三十年被黜落者咸以為
言 上乃命翰林儒臣復擇一第士人文卷得六十一人而
廷試之擢韓克忠為第一仍賜克忠等進士出身有姜克忠
等則皆北人也時年再試寄監下第者八中式者四百一十

五人次其等第除教授教諭訓導不中者八十七人為州吏
目洪武取士之科蓋止于此洪熙元年定南北中三卷以取
士自士人少之用始不備矣 餘冬

○上召士奇至奉天門諭之曰監生之不可用皆由翰林不嚴
試所致此弊已數十年非一朝夕之故今不可復尋舊弊必
嚴試之即其中皆下惟得一人亦可即皆无可取亦不妨但
須得實才

上又言科本弊亦須革臣士奇對曰科本須兼取南北士

上曰北人李開遠不逮南人對曰自古國家兼用南北士長才
大器多出北方用人有文多浮

上曰然將如何試之對曰試卷例緘其姓名請今后於外書南
北二字如一科取百人南取六十北取四十則南北人才皆
入用矣

上曰北士得進則北方幸者亦感發興起往年只緣此北士死
進用者故怠情成風汝言良是往與襄義夏原吉及禮部計
議各處額數以聞議定來上會官車吳駕

宣宗皇帝嗣位遂奏准行之三朝聖諭錄

○仁朝一日謂三楊公曰見夜來玄象否對曰不見

高皇帝有私習天文之禁故臣等不能曉上曰大臣與國同
休戚豈可論此朕夜中觀之紫薇垣有事甚急不可解矣沈
思久之長歎拊髀而起明日遂宴駕野記

○十一月十二日復大理卿虞謙官先是虞謙奏事侍臣有言
此賞榻前密請旨不當于朝班對申敷奏為賈恩者又言其
屬官楊時習先導之密陳而謙不從者遂降謙為大理少卿
而陞時習為卿其后臣士奇獨進奏事畢不退

上問臣汝有欲言者否對曰有非虞謙乎對曰然

上曰吾亦頗悔之汝試言之對曰外聞皆云時習實无先導之言時習是臣江西人亦親語臣本无此言今冒居卿位慙愧不安臣又言謙歷事三朝皆居通顯頗為得大臣体者且今所犯小过上曰吾之悔亦念以因問時習其人若何對曰雖起于吏然明習法律公正廉潔

上喜曰吾有以处之会吏部交趾闕按察

上諭尚書蹇義曰左迁虞謙吾过矣後其大理卿改時習交趾

憲使上之敏于改过率類此

三朝聖諭

○十二月翰林院進呈三孤誥草

上閱既取筆親增二語曰勿謂崇高而難入勿以所從違而或怠頹臣士奇等曰此朕实心卿等勉之又諭臣士奇曰近日覓羣臣意甚好事或未當輒有封章進來臣士奇對曰陛下聖德容納昔富弼有言願不以同異為喜怒不以喜怒為

用舍

上曰朕志正如此朕每聞羣臣言退未嘗不反覆思之或朕言有過退未嘗不悔士奇對曰成湯改過不吝所以為聖人願陛下常以古人為法 同上

○李蔡酒先生時勉始為侍講直諫

仁宗大怒命武士以十八斤金瓜擊其脇上折曳出昇下獄楊文貞公遇于外朝以燒酒灌之得不死

宣宗即位召見亦盛怒將斃之先生對云云乃少霽已而什之及為大司成在正統中諸生稱之曰父母之心天地之量時王振勢傾朝野每進香文廟司成設茗延教至先生他否振父銜之令人密廬其事无所不得彙倫堂前有大樹是許平仲手植先生嫌其一而陰翳妨諸生班列稍令伐去旁枝振遂聲罪以為擅伐官木入私家用傳

聖旨以百斤枷上之肆諸成均前時為三械與司業趙璣掌饌金鑑同枷先生之械特重數斤而竅極隘不可飲食鑑請易之先生不可始先生以助教姑蘇李繼為浮薄厭之至是繼力自効繼家富素結諸舊貴與某伯李者為兄弟因李令昌伯孫公至是李為求援于孫上適生辰家啓宴

太后令家士禮孫因附奏臣今歲生辰殊不樂比年每得公卿為賀國子李先生不過一幅絹帕然辱此大人君子臨貴為榮今諸公皆集獨李先生為朝廷行揚之禁臣帝无以君子為重故不樂爾奏上太后即邀上言之曰祭酒尊貴之臣奈何施以囊頭是其綱紀上言不知

太后曰不知作甚皇帝上遣問之乃知振所為也即飛詔放李先生令就去賀孫舅公乃得什繼又已備儀物公因就詣其宅初筵猶未散也或曰諸生司馬恂者上章願代枷伏三

日始得命脫械久始蘇猶遲即死矣又曰願代枷者百大用
初李先生在翰林時一歲上元夜 朝廷結鰲山一騎控先
生馬而行中途拾一墮釵以呈先生視之金也懷之歸少酬
騎以錢大書揭于門既而失釵婦往尋不獲倉卒間人告以
李翰林家有示帖遽往先生叩之婦言夫為錦衣千戶勾當
海外妾昨出看鰲山失去一金釵尚存其一可驗也先生驗
之良是即以歸之亦不問其姓氏既又千戶還妻迷失釵事
夫言非李公汝當時憂思為疾或且致絕汝絕吾亦不聊生
是二命所關也亟往叩謝之因具儀物酬先生先生悉却之
其人言公不受不能強此一片藥乃海域所產初非傷財所
得而其罕貴公幸受之先生問何物曰血竭也乃受付夫人
言此為血竭當識之既而先生被係脇折昇至錦衣適此千
戶蒞獄驚曰此李翰林先生也 聖旨固未嘗令死因密召

良醫師入視醫云可為第須得真血竭千戶曰吾曩固嘗貺公立命問其夫人夫人取丹之醫治藥以板夾脇傳之越一日夜遂甦焉

野記

○仁宗郭妃以中宮誕辰遯過其宮上壽

上亦往妃進卮于后后不即飲上曰尔又為疑乎遽取飲之妃失色无及矣俄而上崩妃自縊死時適雷

○宣甫嘗乘怒殺二奄尹心恒念其非辜晚年每追幸時指曰此厮又在此即命彈丸自射之左右問何如

上曰即某某見朕行輒伏于前如候伺者以後益頻以逮宴駕太監阮安留說

宣甫崩時膚肌燥裂犹蟬魚以裂割

野記

○舊制生員以奉貢入監巾襴无所變至殿試選授後方易命服洪武中嘗許監生戴遮陰帽遂因私戴之洪熙中貢士入

朝 上問此着監衣何人左右對監生

上曰教着青衣好看乃易青袍迄今王尚書怒左吏部有欲請歷事附選監生服冠帶者以咨于王王曰秀才在諸司惟此衣巾易办稍可礼待若冠帶則与丞差办事官无異任其趣走于前而礼貌无少别所損乃大矣乃止近南京有司亦草疏謂吏胥在選即已冠帶况儒生乎欲行亦有沮而寢

○陳嗣初久著文名大孝士楊士奇素不識薦于

仁宗遣使驛召即至士奇坐東朝房候与相見先教以面君之礼繼以方巾布袍隨使者見 上于武英殿中

上曰當為侍從繼曰臣下部疝氣难居禁近

上曰今下何處繼又曰臣舍館未定 上因厭其語言无遜動止迂踈止除國子博士最為冷官諸生各以經課求改嗣初惟諳古文不通經義數為諸生詆笑不堪因往士奇訴曰先

生率繼雖愛之實害之繼於此官不能一朝居也訢罪夫泣不已士奇特奏改為翰林五經博士稍進儉訢以歸寓圃

○洪熙元年二月朔臣士奇武英門獨對

上問近日外間事對曰竟告訐之風復萌且動輒加人誹謗禍及身家請諭法司禁止

上曰不特此如宮中一事朕所甚惡尤須嚴禁對曰此當用壑書行之

上曰尔更思三二事通行蓋聖心倦于仁政无時忘也

○趙王既之國鄭村埧多饑衛耕地

上命太監左角擇二頃膏腴者賜臣士奇蓋前已賜蹇義二頃矣至是聞命懇辭

上曰汝于朕表裡一誠未嘗辨阿首鼠吾資益良多此所以心恒不忘汝前辭祿今又辭田何執之固也對曰臣起自寒微

遭逢 聖明今踰越涯分方上豈當尚不知止足幸

陛下大恩不使之滿溢庶幾少延殘喘服事

陛下三二年復歸全山林皆 陛下之賜

上曰汝勿憂終身吾送汝入土身後事皆勿憂對曰

聖仁在上臣復何憂遂允臣辭田明日 上諭蹇義曰士奇真

能廉使仕者皆如此世豈有賍吏乎 三朝聖諭錄

○洪熙元年四月初有進言太平之政者

上召蹇義夏元吉楊榮及臣士奇以其章示之已而曰今朝无

闕政生民皆安蹇三人意皆云然惟士奇以為尚未義等對

曰臣等觀 上即位以來詔書勅旨无非仁政百姓无科歛

之擾徭役之繁可謂治世臣士奇對曰臣觀

陛下之恩澤已覃被天下但流徙尚未歸瘡痍尚未復遠近猶

有艰食之人須更得二三年休息庶幾人皆得所

上笑曰吾意非為此也朕與諸卿相與出自誠心去年各與繩愆糾繆書切望匡輔惟士奇曾封五章已皆從所言末一章言周王求築事不曾從後亦悔之蹇三人皆死一言豈朝廷政果皆死關生民果皆安乎三人皆叩首有慙色既退復召蹇義還諭曰尔與士奇吾監國舊輔原吉夫良皆吾所倚任各與書自吾本心士奇懇言待人宜均亦望與榮幼孜既與之後往聞榮有怨謗語義對曰榮之不足于義者為官品在臣等之次其他誹語臣實未聞左右之謬惟

陛下慎察縱其或有亦望容之又常自定

上曰吾亦不信此語但偶然及之以明吾所任者尔二人耳事有未當皆須直言勿疑諱諱上之求言懇切如此同上

○上自臨御以來大理少卿弋謙數言事

上頗厭其繁瑣尚書呂震吳中都御史刘觀侍郎吳廷用等交

奏其實直沽名遂召臣士奇等榻前詔以謙之逾分臣士奇
對曰謙不諳大体有之然其心感

陛下超擢之恩欲圖報效古人有言主聖則臣直惟

陛下容之不然進言者將惧矣 上雖不罪謙然臨朝之際數
形于詞氣又數目

上御奉天門臣士奇獨奏事因進曰 陛下頒詔求言也不當
者不罪弋謙不曉事激

聖怒數日朝臣皆悚駭相与以言為戒今遠近朝覲之臣皆集
闕下目見而口傳將謙之名愈彰而朝廷受不容直言之謗
上惕然曰此是固是朕不能容如呂震迎合以益吾過自今吾
不復言謙遂免謙朝叅今專坐司視事自是一月餘朝臣言
事者少 上特召臣士奇諭曰尔料事不虛自免弋謙朝言
者不至豈果无事可言對曰臣下孰不欲進言納忠惟在

上寬容以來之

上曰朕非怒謙言事但其言亦有矯激過實

者尔可諭承人以朕之實心对曰此非臣言所能使之信必得筆書親諭乃見聖德之實遂令臣就榻前書

勅引过命弋謙如舊朝叅令百官言事屏以謙為戒因諭臣士

奇曰朕有过不难于改雖一時不能容然終知悔尔朕知心

无吝于言可也未幾有言中官謝安四川伐木害民者於是

召戈謙諭曰尔本清鯁之臣朕今取清鯁用尔遂陞謙副都

御史賜鈔千緡馳驅詣四川罷伐木之役并糾察安等同上

○洪熙元年四月有旨鄒濟徐善述王汝玉皆贈官

賜謚官建祠于墓四時賜祭臣士奇言于

上曰礼貴得中朝廷惟宗廟以四時享社稷孔子皆春秋

二祀濟非雖有舊勞不得过社稷孔子而与宗廟等

上曰吾过矣誠念其舊勞不能忘故率尔下令而不覈其过今

賴尔正此失对曰先儒有言周公之功固大皆臣子之分所當為何況濟等

上曰然遽召礼部改祀春秋盖

上未嘗有固必心後義迁善速于轉圜云

○上自少侍 太祖高皇帝明于星象士奇侍監國時間以教臣曰宋元儒者多曉習不可忽也元年四月中尚書蹇義夏原吉楊及臣士奇奏事奉天門畢 上問夜來星变曾見否皆对曰未見 上曰蹇三人雖見不能知士奇常知之臣对曰臣愚亦不能知 上曰天之命矣嘆息而起又明日早朝罷召蹇義臣士奇至奉天門

諭曰監國二十年為諛隱所搆心之艱危吾三人共之賴

皇考仁明得遂保全言已泣然義士奇亦流涕臣士奇对曰今已脫險即夷皆 先帝之賜 陛下之誠之效更不煩

聖明多慮

上曰即吾去世後誰復知吾三人同心一誠遂出

二勅二印賜兩人臣士奇得傷貞一印勅曰云云皆拜受

而退蓋踰月官車晏駕矣

同上

○洪熙元年引郡縣貢生入奏請如例翰林出題考試

附錄

○仁宗皇帝嘗問太醫院判蔣用文保和之要對曰在養正氣

正氣完邪氣死自而入又問卿醫効率復何如對曰善治疾

者必固本急之恐傷其本聖人所戒欲速也

仁宗稱善識者以為用文以醫諫

先塘詩話

孤樹裏談卷之

宣宗

○宣德元年高煦反○車駕親征罪人既得師還六部尚書陳
山迎○駕山見

上言宜乘勝殺師向彰德褒執趙王則○朝廷永安

上召陽榮以山言論之榮對曰山言○國之大計遂召蹇義夏
原吉諭之兩人不取 議榮言請先遣○勅趙王詰其與高
煦連謀之罪而六師奄至可擒也從之榮遂傳

上旨令士奇草○勅士奇曰事須有實天地鬼神豈可欺哉且
勅旨以何為辭榮厲色曰汝可沮○國之大事乎令錦衣衛責
所係漢府人狀云與趙連謀即事之因何患无辭士奇對曰
錦衣衛責狀何以服人心榮曰汝不然吾言可往南塞夏言
之士奇往見二人蹇曰

上意已定中意亦定公可中沮邪夏曰萬一

上從公言今不行趙后或有變如永樂中孟指揮之事誰任其咎士奇曰今事勢有永樂難趙擁三護衛今已去其二且昔孟指揮所為王實不預聞不然趙王豈至今日乎蹇曰即如公言今若何處置士奇曰為今之計

朝廷重尊屬厚待之有疑則嚴防之亦必无虞而於○國体亦正矣二公曰公言固當然

上特信楊榮言不係吾二人可否也士奇退与榮曰太宗皇帝惟三子今

上親叔二人一人有罪不可恕其无罪者當加厚之庶幾仰慰皇祖在天之灵榮曰汝既不草○勅則我當以聞時惟楊溥意合溥曰吾二人請入見

上明其大義兵必不可移榮聞溥言即移入見溥士奇亦踵其

後而門者止吾二人不得入已云

旨召蹇義入蹇義以士奇言

上意不懌然亦不復言殺兵遂還京自是道中有顧問惟召桑
及蹇夏不復○召士奇及溥至京鄉臣二人始得見

上意猶若未平忽厲声曰好機會不得乘到家

皇太后必見尼矣○上至京大悔不復及彰德事然言者猶喋
喋請及削趙護衛且請○召趙王拘之京師

上皆不听一日特召士奇諭曰言者論趙王益多如何對曰今
日宗室惟趙王於

陛下最親當思保全之母惑羣言

上曰吾亦思之

皇考于趙王最友爱且吾今惟一叔奈何不爱然當思所以保
之之道吾今將封羣言俾都御史刘觀及公侯中選一人齎

以示之使自處對曰必不得已則於

皇親中擇一人與趙心相孚者偕覲行庶幾有所開導

上曰然則誰可對曰廣平侯表容至親且善開諭更得筆書親
諭之尤好

上從之遂遣容覲行趙王得筆書及言者所上章大喜曰吾
生矣即獻護衛且上表謝

恩而言者頓息

上待趙王日益親厚而薄陳山竟踈斥之蓋○上初雖為山所
惑而後灼知其非踰數月○召士奇至南齊宮諭之曰吾待
趙叔不失親上之禮尔有力焉自今毋以見忤為嫌遂賜曰
金玉楮文綺

聖諭錄

○宣德二年十月黎利遣人進前安南陳王三世嫡孫暈表乞
立為陳氏後其辭懇切惻

上覽之密示英國公張輔輔對曰此不可泛將士勞苦數年然後得之以表出黎利之謫當益發兵誅此賊耳輔退乃召尚書蹇義夏元吉示之且諭二人曰何以知之二人對曰事以兵之死名徒示弱于天下二人退遂召楊榮及士許出表示之且諭以三人所對曰今日与尔兩人決之榮對曰永樂中費數万人命得此至今勞者未息困者未蘇發兵之說必不可泛不若因其請而与之旋禍為福

上顧問臣云何對曰榮言當泛求立陳氏後者

太宗皇帝之初心求之不得乃郡縣其地十數年來兵民困于交趾之役極矣此皆

祖宗之赤子行○祖宗之初心以保○祖宗之赤子此正

陛下之盛德何謂死名且漢奔珠崖前史為榮何謂示弱臣侍仁宗皇帝久聖心數上追憾此事臣願陛下今日明決

上曰汝兩人言正合吾意

皇考言吾亦聞之屢矣今吾三人可謂同心同德遂○命尚膳賜酒饌明日朝罷出曷表示文武羣臣且諭之曰

太祖皇帝初平天下安南最先○朝貢及黎氏篡弑毒虐國人太祖文皇帝發兵誅之本求陳氏之后立之求之不得始郡縣其地至我

皇考每追念往事形諸慨嘆此數年來一方不靖不得已屢勤王師豈朕所樂今陳氏既有后尔等試覲表中所言其泛之便抑不泛之便羣臣對曰○陛下之心即

祖宗之心且偃兵息民上合天心泛之便

上曰論者不達止戈之意必謂漲不武但得人安朕何恤人言其從之

○宣德二年春交趾之復叛也守山即奏請益兵○朝廷命安遠

侯柳升等將七萬人往益之命兵部尚書李慶沅替軍務事
且勅慶凡六卿之屬才且資者率以自助慶所率十數人其
最才且資禮部儀制郎中史安祠祭主事陳鏞師行慶與同
卧起九月入交趾賊于官軍所經之處悉列柵以守升既連
破之直抵鎮夷關升有矜色升雖勇然不好謀安鏞言於慶
曰縱我之意驕矣公宜力言之且夷賊譎詐不可以其屢敗
忽之安知其不示弱以誘我况 聖書教上戒說謂賊專以
設伏取勝不宜輕率待之公宜速入言之時慶已病強起與
升力言升唯而已中寔无戒慎意明日前進以數百騎独先
之副及慶等皆在后升前渡橋遽壞後軍沮不得前賊伏兵
四起升被創死明日慶病不起又明日副將崔聚固宿將倉
卒賊驅象聞中乱聚被執寇大呼官軍降即不殺安鏞皆曰
吾輩見危授命耳皆死之十月十八日也先是賊陷昌江等

城上中如都指揮鎮福知府劉子輔知府何忠等皆守節死
交趾守帥知任等死事以聞得皆褒贈從升等死者守帥隔
遠不明知不及聞時与安鑄同行親見其事後得脫歸者雖
言之詳而有司以无官府上狀不可負故安鑄之節不得暴
白于朝此世之所深惜而痛悼之者也

○宣德二年二月戊寅

上御文華殿召內閣楊榮面諭之且賜度金銀刻畫書五顆曰
方直剛正曰忠孝流芳曰關西後裔曰建安楊榮曰楊氏自
記如以王抑庵作公傳不具者蓋傳惟載公行事之大者休
當然也東里江陵二楊公作碑志東里略及面書江陵不一
及而東里公云凡今文士感公之德述公之行雖有之矣若
交之久知之深言之信者余兩人其庶幾可无愧也此語以
斟酌考之建安謝世之后如抑庵公如臨川王公英吉水錢

公習礼周公叙皆有文字皆公和已之語而抑庵語尤切
盖抑庵之去翰林為吏部侍郎出東里公意而建安則嘗惜
之也 聖諭

○宣德二年十月二十七日

上將赦交趾命羣臣奉奉使者僉奉

上聞已定尚書明旦蹇義欲易以伏伯安臣莫敢異之士奇私
謂夏元吉曰此无藉小人用之必辱

朝廷公當榻前主張蓋時

上疑主夏言既而有○旨召臣皆入蹇遂奏用伏○上顧問夏
对曰不可用蹇義言語非臣所及臣士奇曰伏有穢行而死
卒識遣之必辱国遂不用又数日臣士奇独对

上曰朕旁詢伏伯安之行乃貪淫无恥人蹇何為欲用之对曰
蹇不过取其能言然信不信也不忠夷之邦不能行且恣其所行必

為重夷所鄙

上曰寒卒固非中何以默然不言對曰非此寒也蓋亦重其讎
上曰寒不尤夏與爾否對曰寒平日和厚死人已心況於
國事孰敢偏任已見

上喜曰君子和而不同是已向因爾言伏之力故決不用之朕
已知爾心繼今但一志為國毋憚遠中士奇叩首言謹遵

聖諭 三朝

○宣德三年刘有罪下獄先是六月中一日早朝罷○召楊榮
及士奇至文華門命光祿賜食既

上曰吾三人商量一事○京師端木澄源之地○祖宗時朝臣
死貧者年未貪渎之風滿朝何也臣對曰貪風永樂之末已
作但至今甚耳

上問永樂何如對曰十五六年以後○太宗有疾屢不出扈從

之臣放肆无顧藉請托賄賂公行无忌此事已徹九重但未奉發

仁宗嘗謂臣言初到北京○上問兩京臣僚有能守廉者否對曰无敢不守

上曰竊從未此者賕賂競行其能守廉惟吏部侍郎師達一人汝當知之榮曰是時賕貪方寘最甚

上問今日之貪誰最甚者榮對曰莫甚劉觀臣曰風憲所以警肅百僚憲長如以則不肖御史皆效之不肖御史差出四方則不肖有司皆效之

上撫掌歎曰除惡務本又問廷臣中今誰可使掌憲兩人久昧上曰未必都无一人士奇對曰通政使顧佐庶公有威曾任御史及按察司皆有風采榮曰佐亦嘗為京尹能防禁下吏政清弊革○上喜曰顧佐乃能如此命賜茶而退數日有旨令

劉觀巡閱河道觀既去數日陞顧左右都御史賜 玺書令
考黜不肖洗滌積弊佐奏黜其屬 不肖者二十余人罪甚
者發遼東於是御史連章劾奏觀貪賊狼藉并奏其子輻脇
制諸道驛私減公皆明著實跡

上大怒追觀父子皆至出御史章示之既承伏法司坐觀重法
以輻同犯免科具奏次年四月

上召榮及臣以奏示之且曰觀負○朝廷處重非過臣對曰觀
誠有罪但經事○四朝數任显仕顧姑屈法全其生榮亦乞
貸之○上曰為汝二人曲貸其死發為邊吏曰辱之過甚死
等耳○上曰欲父子皆貸乎曰子發戍邊而令觀隨居恩与
法兩尺矣遂命法司發遼東 三朝

○宣德初許臣僚宴樂以奢相尚歌妓滿前紀綱為之不振
朝廷以通政使顧佐為都御史置劉觀遂黜貪淫御史彈劾不

廉者禁用歌妓糾正百僚朝綱大振天下想聞其丰采藩臬
郡邑旣起當時惟佐正色立朝元勛貴戚俱憚之陝西布政
周景貪污死度佐切齒欲除之累置之法為○上累釋之不
能伸其激濁之意復而沮之者數次正統初以風疾乞歸
賜勅褒嘉優禮而去其實用事者忌而陰排之也後疾愈亦不
復起居家十余年而終居其位者皆莫及也 天順日錄

○宣德初李士揚士奇輩以方面大職亦任吏部自奉未得
人乃今在京三品以上官各奉所知當時以為美事行之既
久公道者少時人有拜官公朝受恩私室之訛景泰初遂罷
此例乃送吏部自擢時予在銓司乃將六部郎署年深者第
其才之高下為一帖給事中為一帖南京者附之方面有缺
持此帖于尚書王直前斟酌用之將尽復增之其推用之時
人皆不知

命下令人傳報彼方驚喜正謂各官奉時有九年將滿者以其
自守不求之於人耶為奔競至此不得已而亦造人之門況
其素行奔競者會奉方退其所奉之人已預知之不待

命下而賤位地方无不曉悉且又不知所奉之人才能高下但
以奉主官大列名在前者其所奉之人官亦大以以輿輪不
平及吏部自擢校短量長多慝與論然各奉所知本是良法
若皆存荐矣為國之心豈有不善但各出于私情反不若吏
部自擢雖不能尽知其人却出于公道也 同上

○祭酒安成李先生初以言事得罪下獄

宣廟登極後一日御別殿以其激怒○先帝命左右械取將就
鞫焉俄又○命錦衣衛指揮王某出有不測之○命王甫行
而先生至

上退近臣某就先生問故先生告以忠誠之實

上出有問某具以對

上稍怡命仍就獄蓋王某被○旨急趨出時与先生相失于端門左右而立俟于西長安門外久之而始得之守衛者曰罪人入久矣王某急趨還則先生已得再生矣夫臣子于君父天也天信善人豈欺我哉

同上

○午門外東直房六部都察院堂大理寺堂上官候朝之所兩下入惟都御史正官独处一小夾室聞之近歲都御史顧佐作公聚未嘗与諸司群坐立此其一耳盖亦得宋制殿房幕次惟中丞独設椅子坐殿門後稍西北向之遺意也

同上

○宣德四年十月一日朝罷侍

上于左順門遙望見大宰士陳山

上曰汝試言山為人對曰君父有問不敢不盡誠以對山雖侍從○陛下久然其人寡季多歆而昧於大体非君子也

上曰然趙王事幾為所誤朕已甚薄之近聞渠於諸司日有干求不厭當不令內閣也蓋

上初臨御以山及張英東宮旧臣俱陞內閣視事二人行相類至是浸聞干○上數日後有○旨調琰南京礼部專設內閣俱罷內閣之任朝士皆誦○上明決山遂見疎不復得近幸前矣

○宣德四年顧佐自陞都御史憲度嚴明宿弊清革下至吏卒悚駭凜然更有遭笞者据撫佐之過劾皂隸賂放婦息具姓名訴通政司以聞

上密旨示臣士奇且曰尔不幸佐庶乎對曰所訴之事誠有非誣蓋今朝臣月俸止給一二石薪炭馬醫咸資于皂不得不遣半歸使備所用皂亦樂得歸耕實官皂兩便此京師大小臣僚皆然臣亦然自永樂以來如此

仁宗皇帝固知之所以增朝臣之奉

上歎曰朝臣之艰如此因怒訴者曰○朝廷用一好人輒為小人所排劾下法司之臣對曰以末之不足上干

聖怒但付佐自治恩与法並行矣臣退

上名佐以吏訴狀援之論之曰故皂隸歸耕使給薪芻京官皆然不足為過小人不樂檢束誣陷正人汝自治之佐叩首退召吏示之狀吏悲甚佐曰

上命我治汝我姑容汝但改行為善竟不治之○上聞之喜曰佐得大体矣數月有囚告佐累枉人重罪不听訴理者上大怒召楊榮及臣士奇諭曰此必有重囚教之排佐小人陷正人不可不究治遂命三法司鞫事實千戶臧清殺一家死罪二人當死代寫狀教之誣告

上曰不誅之佐何以行事亡命磔清于市盖上去惡佑善明決

率類以 三朝

○国初設中書省有不設宰相永樂初乃設內閣選翰林六七儒臣居之職知制誥日備顧問參決政机隱然相職而官不過李士洪熙初始陞孤卿皆潛邸旧人而三楊同官最久當是之時干戈甫定宗室未蕃軍職尚少經費无幾国用有餘民間人稀地廣法網未密財利无制

宣廟英武乾剛独斷百司守令久任不更官民相安天下號為太平三楊之名所以著時福建僉憲廖謨杖死驛丞事東楊以鄉官欵坐償命西楊以鄉故欵擬因公互爭不决請裁于

太后王振因而進言三楊皆有私償命过重因公过輕宜对品降調府同知

太后聽之自是振日据撫內閣之誤裁決一歸于振三楊乃迭

請告展省適宗室中有遺東陽土物者振將發其事西楊以東楊不在京办之東楊聞報兼程造朝觸冒瘴疹卒于錢塘以此振荏苒專好大喜功遂因麓川思机發思仁發兄弟讎殺遽有麓川之征遣將出師疲耗中國監費貲貲所手并死之地竟何益于○國家乃致九溪猶獠乘勢不靖兵連禍結延至葉宗流鄧茂七黃曾養輩相煽而起極干土木之大變此乃三楊失柄于初不能沮振之所致也然西楊之文學東楊之政事兩楊之清雅皆人所不及故論今之吳相又曰三楊三楊蓋所善者吳也丘仲浹雜著云一時吳相比称三楊遑矣然當是時南交叛遑軒龍易位○勅使旁午瀕及西洋曾无一語荏苒歸常侍遠征麓川兵連禍結極干土木之大變誰實啓之春秋責備吳者其能逭哉 瑣璣錄

○宣廟最好詞章是南陽与陳芳洲二先生日直南宮應制南

陽思遲陳思敏一日○命御製壽星贊陳援筆贊云渺南極
兮一星燦祥光兮八統兆皇家兮永齡我懷思兮治平賴忠
貞兮弼成宜壽域兮同什南陽以指昂益壽域二字欲易而
未就時中官促進甚急先生曰有則改无則罷遂取去賜內
閣二楊先生曰壽域二字如何西楊應曰八荒開壽域中官
還詰南楊曰八荒開壽域此句詩何如楊曰好詩中官曰先
指壽域為未好何也南楊默然少頃陳退食遇西楊于端門
西楊語陳曰適賜壽星一贊甚佳必秋筆也陳唯上后正統
間朝鐘一日不受杵命內閣製祠鐘文南楊入室中翻旧稿
不得太監候久促陳芳洲曰先生何不作陳乃白南楊曰旧
无此稿先生第口占我偶南楊乃起一語陳遂續成之

仁宗昭皇后當題主祠廟南楊執紼

皇太后帑莫能止及後奉命御製修國子監碑文題曰重建太

李之碑時西楊寢疾不能出窰○旨封令西楊另製一通題曰大明新建廟李之碑進呈遂用之南楊又執用其題西楊具本論凡言重建者既謂作之后用作之廟李雖前元所建非○國家事此不可命且廟与李二者若只書太李而不云廟於礼未安請通改作新建廟李四字為宜廷議雖題西楊之言然已刻石无及矣二公李識于是可知

同上

○有李校尉者口奏

宣廟爺上詔求直言臣不解文字只口奏二事其一云其二陳符乃奄人○爺亡与二宮人何所用直言只以二事為大上大怒命割其舌行刑者即它校尉也少削其尖不大去之上令持去餓七日未說既入獄諸校更以肉餌啖之七日奏李不死

上令再餓七日校啖之如初又七日奏不死

上曰豈神仙乎放之既出人呼為李神仙 野記

○宣德五年二月十九日○上御南文淵閣召士奇諭曰吾欲下一寬恤之令今独与尔商之然吾未能悉知尔當效助益遂命內傳具楮筆

上曰免災傷稅糧當是時事聞民間欠畜馬驢驛所司追償甚迫民計无出亦甚艰难部官坐視而不言對曰

陛下聖念及此生民之幸各部惟知督責下民以供公家而不顧民心之離故一切民瘼蔽不以聞今所當寬恤者殆非此兩事

上曰汝所知者具言之對曰百姓積年負欠新芻及採辦買辦之物所司責償甚急皆當寬貸各處官田起科不而租額皆重細民困乏郡縣以聞蘇州尤甚戶部固執悉不与除豁細民多有委弃逃徙者此當量与減除部符下郡縣採辦買辦

諸物但一槩派徵更无分別出產与否非出產處百姓數十
倍償元納此請戒納該部今后凡物只派產有之處不許一
槩均派苦民年来刑獄冤濫者多感召旱涝恐由于此請戒
飭法司敦用平恕务求情实今工匠之弊尤多四方遠近每
户不問幾丁悉徵在京役於訟什不一二余皆為所 官之
人私役不得營生嗟怨溢路此請命官巡察究治及分豁戶
丁之半放回單丁者免老弱死余丁除籍又有平民本非業
匠為怨家誣引者當審实除豁南方運糧至此人力甚艱而
倉廩无閑防奸人盜竊動輒數万前者就執后者復繼恬无
警畏此請 命夙憲閑防巡察

上歎曰朝廷任六卿但知苛責下民而不能察奸清弊有規厚
祿矣尔所陳有益于朕皆應行命即草

勅明日頒下遂令尚膳賜饌 勅諭既下

上聞中心悅戴臣賜鈔三千緡文綺二端及羊酒臣叩首受

賜○上笑曰薄用潤筆耳 三朝

○宣德五年三月清明節 上奉

皇太后謁陵謁畢 上侍

皇太后于行殿賜英國公張奉尚書寒義及臣士奇楊崇金鈔

改楊溥四人見

太后曰尔等皆先朝旧臣勉輔嗣君云 云遂賜酒饌及白金彩

幣皆叩首謝既还京臣間因独对

上曰前日陵上汝等謁

太后退 太后為朕言

皇考往年在宮中談汝等姓名及行事甚熟 太后悉能記憶

其間才孝孰優孰劣孰有任事不任事皆有訖評言輔雖武臣而達大義寢重厚小心但多思而少斷汝能持正言不避

忤意議事之際

先帝數不樂汝言終浸汝以不敗事嘗有三事之失

先帝甚悔不浸汝言

太后又謂朕曰凡正直之言尔不可以為忤而不浸謹之謹之
上奇對曰○太后之盛德仁宗皇帝之盛德也願

陛下常奉

聖訓

同上

○皇后大漸召三楊宰相至榻前問朝廷尚有何大事未办
者文貞首對有三事其一建庶人雖已滅曾熾御四年當命
史官脩其一朝實錄仍用建文之号

后曰曆日已革除之豈可後用對曰行于一时万世信史豈可
蒙洪武之年以亂實后頷之或曰且請謚為

神宗皇帝非實其二云

后亦首肯其三方孝孺得罪已誅

太宗文皇帝詔收其片言一字者論死乞弛其禁文辭不係國事者聽令存而傳之

后默然未荅三公即趨下扣頭言臣等謹受顧命遂出 野記

○宣德五年六月一日

上下文華門御道屏左右独召臣士奇諭曰楊榮家畜馬甚富初聞之張璠未信今察之皆得之边將榮交通边將甚密豈可任於親密之地对曰榮与諸將交盖因永樂中扈從北征太宗皇帝命掌兵馬之數以失於諸將稔熟今内閣諸卿边將之強弱才否边境之遠近險易四裔之順逆委曲惟榮一人知之詳臣等皆所不及方今用人之際榮未可輒他用且其在密地凡制勅中予奪高下皆稟上○旨又有臣等同叙而行豈榮所得独專且臣与之同官久亦嘗觀其廐馬三五足有之多不能畜盖芻水易办

上曰尔未知其家馬多鬻于市朕知之審矣渠數請復永樂以求調衛軍宮朕詢其兵部已有罪調衛洪武旧制无可復之理朕固已疑之對曰此事亦未明但其人尚有他長可用幸姑容之

上曰朕初嗣位若惟信榮言而不听蹇夏則士奇不得在此久矣今士奇乃力佑榮乎對曰

陛下曲容臣天地之恩也臣今日亦願陛下推天地之量容榮使之改过自效此道在

陛下今日所當行 上意乃解然自是不專任之矣 三朝

○晉天文志瑞星凡五宋中興天文志瑞星凡十有二詳臧不一其三日則皆曰含書宣德五年冬是星見於九旂○朝臣表賀○上譙不居賜之筆書相為戒飭時楊文貞在閣進詩一章有曰宣德庚戌月維己丑其日丁亥文瑞在酉大星如

九九存之旁有彗若射金玉其煌厥名倉書大史敷奏自辟
嵩呼賀祥獻弄

皇德仁聖謙讓是崇歸功○穹祇歸功

祖宗歸功

聖母亦及臣子申命飭厲欲哉无怠教句善焉

聖君之心 餘冬

○宣德六年夏忠靖公原吉卒 朝議欲贈以伯者以无例而
止蓋為国初文臣无贈爵者也洪武間刘公基封誠意伯永
樂間茹公瑄封忠誠伯生可受封死何妨贈言者未考尔后
癸丑歲太子太師戶部尚書郭公資卒遂贈湯陰伯 同上

○宣德六年七月時

上頗好微行一夕漏下二十刻以四騎出过臣前報者言范太
監未臣倉惶出迎○上已入門立月中臣俯伏悚懼言

陛下柰何以○宗廟社稷之身而自輕擾上塵瑛昏暗中誰識
至尊方一或有識者更起倉卒何以備之○上曰思見卿一言
故來耳遂屏左右語竟願謂臣曰此居宜弊當為尔算理臣
叩頭懇辭曰陛下官殿未竟臣必不敢當且車駕今夕
甫臨外間明日必有知者方上自此慎出事變不測當慮也
駕還宮明日遣太監范弘家問臣車駕幸臨曷不謝對曰
至尊夜出臣迨今中心惴惴未已豈敢言謝又數日遣弘問臣
曰今天下平靜上時一微行何足過慮若不微行乎對曰
陛下尊居九重恩澤豈能遍洽幽隱万一有冤夫怨卒窺伺竊
發誠不可无慮後旬余錦衣衛獲至二盜蓋盜骨殺人官捕
之急遂私結約候車駕之玉泉寺挾弓矢伏道边林莽中
一作此時有捕盜校尉亦變服如盜入盜羣其盜不疑以其謀
告之遂為所獲上既誅二盜數曰士奇言不虛即日遣范

太監賜白金文綺士奇明旦入謝上諭盜謀且曰愛朕莫如汝自今如汝言不復微行士奇叩首蓋大臣中先有導

上以天下平寧可微行而生日得賜鈔及馬者故至是有愛朕

莫如臣之說

三朝

○宣皇幸某官第就宴家人供事有女甚美行酒左右

上悅之然稚齒未可進環

上謂曰尔要東西与我說又曰先与尔頭面眷戀久之而去明

日賜金玉珠寶首飾各一称又數日語近嚙曰向見某家食

器皆銅行其貧邪又賜金銀飲食器具甚夥價數千緡明年

上崩以女竟不入宮

野記

○永蘭黃文蘭公准永樂中以漢庶人之譖下錦衣獄十年憂

畏不測積成勞瘁○仁廟兩位重觀天日存進孤卿宣德丁

未主考會試后以病歸甫寿而父已封少保年踰九十慈孝

具樂世以為榮癸丑公以父孝蒙卹典即吉赴京謝爵數月
至賜遊西苑乙卯春復赴痘仲夏乃東歸后終于寢予輯名
臣通錄未得其家傳銘志僅揆其省約集略為之贊曰高才
懿孝夙榮遭際簡任輔 儲兢惕殫斲莫為而為省約懲文
困久乃亨葺陟三事退休保和亦惟嚴侍橋梓並榮壽福隆
脩蓋頌其美耳又旁詢其詳於博識諸士夫有謂方正李之
誅夷尹昌隆之藉沒許白云之極刑皆出于文簡因憶昔祭
酒刈益嘗見謂文簡好訾毀同列一日便殿未入侍

宣廟問淮何在東陽對以淮素病瘵七能染人自是有○旨免
奏對久乃告病侍親是則文簡好短毀人固宜有友尔之報
至謂方尹許之慘禍一出于文簡則未必然若果有之則小
人之尤何得老死帷下好还之天豈憐然邪通錄宜不敢姑
俟知者審焉

○宣德中一日未申間天裂于西南視之若十余丈時晴碧无翳内外際畔了可察其中蒼茫深昧不可窮極良乂乃合

○宣德中漢庶人事時亦司上莫定賴揚文敏數公者力勸親征事以克濟正統十四年冬徐元玉先生以占天候氣為言土木之潰既驗即蓄南迁之說幸而其說不行不然事未可知也

○都察院右都御史太康顧公佐洪武庚辰進士永樂初自莊浪今為監察御史陞江西按察司副使入為應天府尹轉通政司宣德初進蒙臺事在

上遣醫往視再閱歲降勅慰問俾致事賜楮幣永復其家刑部尚書南昌衛公源永樂丙戌進士監察御史浙江副使入署刑部右侍郎陞河南左布政使賑飢三年為刑部左侍郎進尚書常奉勅整飭北边武備簡禁兵晚以足疾辭

詔免朝非辭賜勅褒獎給舟車以還其家二公嘗同道為御史同大拜執邦法俱嘗典番守声名相上下歸榮令終亦同而無介公執人於太康元間言云

○總督軍務自總兵官以下悉听節制蓋王靖遠麓川之役已及事以來繼之者中矣繼靖遠者侯尚書璉也于少保在

京師王塩山馬滄洲之於兩廣石璞於閩外於湖貴王耒嘗

於湖貴皆是命云總督二字蓋自宣德中巡抚忽督稅糧始

○楊武襄洪為人雖尚推諫然有嚴威將士知畏之此其所長

不可掩者亦願朝廷主張以成其名耳蓋自宣德正統來

已受知于閣中戶陵楊公璉皆受重之如初為指揮杜衡所

誣以魏尚書源覆旨而衡貶廣西繼為部李李友全等奏

上以付洪自治頗類宋太祖待郭進事又大同指揮張瑛嘗奏

今總戎石公蔚然千戶張宣奏劉侍郎璉朝廷皆實之死

祖宗扶掖人才之心其盛如此

○石琰大保寇莊愍在憲年尚書富皆一時顯官重任三人皆不由科甲皆不喜堦石在工部遇規政進士缺人郎中厯滕言年尚書一日越常規於考滿主事三人各考論一道稍劣者輒叱曰尔進士為此文耶展毓御史亦云寇公考進士問刑者詬罵不已至屢有撻辱而遇監生則每溫言改容道之因念楊文貞公布衣校職官至○帝師且按當書文柄而其於進士科第其称艷夸道蓋拳七然世傳其詩文可考也信乎人之材量器識不能同如此

野記

○宣德七年二月二十八日

上召臣士奇至文華殿諭曰憶五年二月共尔南齋官論寬恤事今兩閱歲矣民事又不有可恤者乎對曰誠有之只五年官田減租額一事

聖憲已下聖書已明民間已知戶部格而不行至今仍歸額追徵小民含冤不已上怒曰戶部可罪也對曰此循習之弊永樂末年晏如此往年高煦反以夏原吉為奸臣之首誣指此事為說上怒少解曰今欲再下勅寬恤必率此為第一事却於其末增云中外該管司不許故違上又曰如再格不行朕必罪之不恕汝試言今日之事當寬恤者對曰事有當變通者不宜執故逃民一事其初本因賦役繁苛不得已為偷生之計歷歲已久朝廷雖已赦宥復業而家業盡喪非但歸无所資又有公私債負之擾勢不能歸所在官司又不能容則往亡逃聚山林相結為非積微至著盖有可慮願得恩旨每司凡逃民願歸鄉者令郡縣用心抚恤優免差徭不願歸者听於所在附藉為民官給空閑田廬處之免差役三年庶以安其危亦以弭患于未萌

上曰以事須行蓋在彼在與皆 朝廷之民何須定逼之歸但
得人安足矣臣又言各處課程先因鈔法不通加倍其額徵
納蓋一時之權今鈔頗流通宜量減倍徵之額又言天下課
程皆納鈔惟湖廣上西浙江商稅魚課旧例皆納銀民不勝
弊請裁為一例

上笑曰此兩事皆須交通其課程納銀者悉改納鈔銀一两折
鈔一貫臣又言田里小民之不安皆原於有司之貪汚暴虐
請令風憲官考察奏罷

上曰然向使不罷劉觀風憲亦未得靖尔此言是但有司中有
廉幹能與利除害者亦令具名奏聞用憑獎擢臣又言方面
郡守皆是要職吏部往七循資陞授不免愚良混進請令吏
部自今方面郡守有關今京官三品以上及布政按察薦奉
務取廉公端厚識大体能為 國為民者仍屬吏部審其所

保果可用然臣奏聞重授以官後犯贓罪併坐辜者又請令
法司凡保辜授官以人指告其罪者必先取問于証明白然
後奏聞請旨提對庶幾不為先人誣陷

上曰然若所奉得人須保全之庶不墮小人之計

上又曰更黃吏部須慎選縣令臣又言年來吏員太冗其間多有昏昧愚劣不通文理今後請令六部都察院翰林院会同
考試選用臣又言今軍民中豈无文孝才行卓然出衆及有
智謀才勇精於武略者請令羣臣詢察保辜選用

上曰進美之路宜廣此皆應用若有拘于例者宜當開廣臣言
唐虞之世罰弗及嗣今極刑之家有夫子弟例不許進用上
曰舜殛鯀用禹至公之心也又曰劉翀亦極刑家今不
在侍近乎汝于勅諭中明言極刑除犯謀反大逆外其余
犯者其子弟有文孝才辜並听奉用

上又曰以數事皆可書勅頒下矣臣進曰愚臣一人見聞不廣願更得一人同論此事庶幾可以推廣上澤

上曰若畧令人知即勅諭未下事已徧播於外矣臣對曰大臣固有謹厚者上曰胡茨謹厚汝与之密議就錄稿進未於是臣退同漢詔增十數事通錄明旦進呈

上悅三月朔 筆書遂下

三朝

○宣德七年八月

上在宮中覽尚書黃福贊遭運時言便民數事出其章示臣士奇且諭臣曰福所言皆知慮深遠可行今六卿中其誰之倫對曰福受知

太祖皇帝最先大用其為人正直明果一志于國家生民今六卿中鮮及之永樂初建北京刑部命之緩輯凋瘵及得交趾命總藩憲之政安新附之中躬勤夙夜具有成績其才德兼

備有大臣體諸卿誠不及之福今年七十矣諸後進少年高坐公堂理政事享佚樂與馬騶夜揚上福四朝旧人乃朝暮奔走道路勞瘁不已殆非國家所以優老敬賢之道上曰非汝不聞此言吾嘗欲得一老成忠直之人處之南京根本之地緩急可倚今以命福豈不誠當士奇對曰福必不負陛下任使明旦

上命吏部改福南京戶部尚書中外聞者皆悅蓋上之納直言明于用人類如此

○東里集諸廟李記皆精當惟晚年所作寧國府一篇可疑蓋文昌事既不經而因李制亦死此考之歐陽文忠云不知祭義者以孔子官立祠祭為尊而榮為有德之報至斥為謬誤以其巍然端坐語不合古祭用主之義也况宋李士太辛碑已言我朝祭木主能革千載夷習矣而此文乃云冕服南服

以崇報也何耶

俱三朝

○陳企憲祚疏勸

官廟讀太李衍義

上怒自批其奏曰你道我不讀書我是怎麼作皇帝遂下獄父

母妻子姊妹凡男子悉同禁婦女下浣衣局凡七年

英兩踐祚什之幼女時才七歲不能名六畜外剛勁絕類后復

屢陳瀕死詳具別籍

野記

○宣宗召吾鄉欽院判官欽謙汝江南人惺上朕欲用某亲可

製与我謙對不解

上曰与酒飲上訖乃出如是者三

上曰何其吝乎謙曰臣醫受陛下官祿先聖夫傳醫道者无

此等術亦无此等書臣实不解

上怒命戮力士以旃席囊其頭持去及出朝无一人知者家中

失譴問之太醫院不知訪諸市朝皆不知所在諸省部大臣
潛為訪之一獄卒言知狀扣之曰今在錦衣獄以四鉄繩禁
之加以三木與陳祚同處極幽冷一室中家人不敢白亦不
敢通問久之什出 同上

○戶部尚書夏原吉有德量不出使館晨發命館人烘韞誤燒
一隻館人惧不敢告索韞甚急左右請罪咲曰何不早白欲
餘廩易之弗及并存者亦之而行館人感德曰他則死故加
捶若以平生絲一遇也在部時吏捧精微文書抑之因風為
星所汚吏驚惧即肉袒以俟公曰汝何與焉叱起乃自袖其
所汚吏猶惧莫測明日朝畢至便殿請罪曰臣昨日不謹因
風起筆汚精微文書懷中出之

上命易之既罷朝吏猶莫測尋出其所易吏大感免冠謝

人之窮達有莫之為而為者

天順二年臨川吳徵士與弼入京擇日而後廷見

英宗退御文華殿召問大略與弼噤死以對左右怪之輒始言使曰容臣上疏而已先時與弼宿草備顧問竟不如志駕起因慘然出至左順門脫帽視兩蝎存焉頂額蟹已腫人始知其不能承旨以忍痛故耳噫此何莫非數也哉

○太宗文皇帝建都北京凡百政務多出崔宜因北征土木川宿天未及更正○宣宗在位十年天下承平因三楊俱南人陰為都南之意亦未議改如北京六部仍稱行在正統間始去行在二字文武官俸仍於南京倉關支戶部茶鹽引由鈔板言者欲貯在戶部竟不從留馬快船於通州所用至今行之蓋兩京並建兵冗費繁而求一時用兵而崔宜之政遂因袞而為弊也

餘冬

○宣廟時三楊用事思天下之事不由已進退勅方面風憲郡
守今在京三品以上官奉保且薄吏部尚書郭進不奉先術
但以老成至此尋勅今後御史知縣許在京三品以上官
奉保由是天下要職吏部不得除已而奔競之風大作以賍
露者甚中尋有以弊言者遂罷御史知縣保奉之例郡守以
上仍舊出于三楊之門皆由其操去取之權也西楊雖偏而
无私尤持公論當時天下方面頗亦得人正統六七年以后
張太后崩三楊相繼而沒進退天下人才之薈遂移于中宮王
振邪正倒植矣

天順日錄

○胡順庵急流中勇退非有高尚志實不欲居等輩下耳觀其
在鄉猶倚當道友声势自尊宦其地者避之不較其私詩文
有作即州况又未至好處以此傳世果何益哉適自暴其淺
深而已

同上

与王文正惡人造門者不同也

同上

○予在孝讀聖美書知佛為異端同類有掛其像者即斥其非以為名公鉅儒決不為此后居駢封造家宰宅見正寢東展整室疑必家廟問之曰佛堂也不查駭嘆又以為文章名不爾既而見石首先生庭中高懸一幅視之乃觀音象也不覓失嘆嗚呼人其人火其書果誰望邪

同上

○平江伯陳豫以白金采幣之類求西楊為其父作墓誌西楊却之不許因請益堅不得乃減金幣三分乞求於東楊即納而為之稱許過實或見西楊曰以平江之父先生不為誌何也曰汝安得知彼曾祖吾為墓碑雖未識其人其子封爵非積德之厚不能致吾安從而發揚之必有實也彼祖吾復為之以當督漕運而有行矣功績可紀所以發揚之若佐旻可述者苟稱之過實非所以取信於后世也吾何以金帛為哉

予因思唐之張說受姚崇之玩物而德之盛為稱許之辭於碑蓋有規於西揚者也 同上

○吏部郎中常中孚出身甚微初為巡檢得異術能煮白金凡寶玉之疑有損者能補之如舊

宣廟知之召見試其術果然乃授是職每用其術必引入宮內為之雖中官至狎者亦不可得造其處賞賚頗多已而罷之

○宣廟初思用舊人召蹇義等數人宥待之皆依違承順之不暇惟戶部尚書黃福持正不阿命覲戲曰臣惟不好戲命圍棋曰臣不會著棋問何以不會曰臣初時父師教只教讀書不弄牙益之事所以不會○上意不樂居數日勅黃福年老不煩以政轉任南京戶部優閑之實踈之也向使察諸公皆如此持正其勢未必尽踈之則君德可脩天下肥矣

文廟命李士鮮繙評大臣十人如何繙每用八字斷之首許黃

福自余互有得失人以為確論具載縉傳

同上

○工部尚書吳中奏對口音宏亮丰姿雋凜望之者知是享福之器貪財鉅万廢妾數十人厥妻嚴正中惧之不敢犯

宣廟知之嘗宴臣寮命伶人作俱内戲以咲之中雖媿而不難也一日閑誥迎于家其妻拜畢呼子曰將吳中一軸誥未宣之我听問左右曰此誥詞是

主上自言欵是翰林代草欵曰亦翰林代草也嘆曰翰林先生果不虛妄且吳中一篇誥文正說他平生為人何嘗有清廉二字中聞之雖恚强咲容而已 同上

○宣宗 胡皇后死于宮中某氏育

英宗孫貴妃懷為已子遂得冊為皇后而廢胡為仙姑時

仁宗張后為皇太后愛胡之美且憫其无辜不使別居令入自所處清寧宮進膳如常儀每朝會宴享必命胡坐孫之上婦

姑之間恩礼甚焉孫常快也

英宗立尊 太后為太皇太后孫為太后胡母重譙讓不敢居
孫之右正統六年 太皇太后崩凡六宮有位号者皆得祭
奠胡不敢与太后之列惟与諸嬪妃事太后知而見譴之意
胡因痛哭而殂太后命閣下諸臣議治喪之事時楊士奇卧
病于家諸臣往問士奇曰當以后礼殮哭景陵問者曰此非
内中所欲士奇遂面壁不荅惟曰後世罵名諸臣因議以嬪
御礼葬天順六年孫太后崩

英宗尚不知已非孫所出惟 皇后錢氏知其詳亦不言八年
英宗大漸 后泣訴曰 皇上非 太后所生实某宫人之子
死于非命久无称号 胡皇后美而死罪廢為仙姑其死也
人畏太后殮葬皆不如礼后位未履惟

皇上念之 英宗始悞卒如其言遺命大行尊崇之典錢后素

性孝謹絕无妬忌 英宗北狩每夜哀籲拜天倦則臥地因損一肢哭泣太多後損一目頃宮中之所有佐郊駕之費英宗在南城不自得 后每曲為慰解後辟之後處 景皇后猶尽礼焉 富國雜記

○宣德中駕幸少師楊士奇第夜已二鼓士奇驚起朝服而迎但見儀從塞屋香氣氤氲不知

上所在惟向北而拜不已 上方倚東闌看月咲而呼曰士奇朕在此所賜已充庭矣頃之毋去左右有所問人皆不得聞遂召少時聞岷山衛靖中書言之 同上

○長洲沈景賜卜易甚驗宣德初馴取至京命於午門上市卦乃問英國公征南之事景賜得占遂曰此大勝之兆明日正午當得捷音俟其時果有飛騎回報生擒黎王尺得其國一刻不遠遂賜鈔幣遣還故里 同上

○宣德中吉水羅公汝敬剛正不屈為崔貴所擠以工部侍郎
兼翰林脩撰出使交趾回過吳中適大理卿熊璽巡撫津作
威福大家巨族少被誣捕隨至批沒冤号之盡上聞于天公
見而不忍且与璽有鄉里之好因以陰書為諭璽岸然不肯
為之益甚公至京謁見陳使事畢具以璽事奏

上其言甚切

上覽之惻然曰事有甚于此者即日召璽回以周文襄往代自
此東南荐安矣綺六歲時侍先君可竹府君之側聞府客言
公事甚詳若有感荷之意不幸旦孫其詳不復記憶止記疏
中有躋踈法網一言因書其大槩且聞羅之使有一僕死于
交其主範一金人舁僕身畧等用以償公公拒而不受其奉
吏得休又如此云 同上

○陳御史作面目嚴公雖家人亦不假辭色宣德七年進大孝

衍義勸 上日勸

上大怒剝削其家併捕其子姪瑄等同下錦衣獄不得相見者三年脩嘗告寔

宣宗晏駕什出祚乍見瑄等畧無憐惜之意偶都堂顧佐來訪祚命瑄等出拜但曰祚素不能庇此輩為祚累之 惟此一言而已遺宣等歸不問其生理其少恩如是 同上

○國家正旦冬至聖節凡大朝會先期百官皆赴朝天宮習儀或靈濟宮惟翰林使不相傳

宣廟一日召翰林不至 上問故左右對以往習儀所

上曰翰林終日侍朕側尚何習為瑄其倒拜耶自是不復習以為故事成化中上官汪直用事多使邏人察諸司不法是

日李士王獻檢討張太方在塗接謁邏人執之以故事對

詔以問內閣時方安刈响刈言不能執奏乃云有故事而致諸

故典不見獻太雖免罪而翰林不習儀之典遂廢惟內閣與東西兩房至今不習蓋

宣廟之命史官失于紀載故也

震澤長詔

○文淵閣在奉天殿東庑之東 文華殿之前對 皇城深嚴禁密百官莫敢望焉吏人无敢过其地閣中惟侍使令惟厨役耳防漏泄也禁密文書一小匣右元上鑰之而不合太宰士暮出鑰其門匙置門上恐禁中不時有宣索也故事禁中不得奉火雖閣老亦退食于外相傳

宣宗一日過城上令內豎問閣老何為曰方退食于外曰曷不就內食曰禁中不得奉火

上指庭中隙地曰是中独不可置庖乎今烹膳處是也自是得會食中堂又傳一日过城上職閣老何為曰方對奕何不聞落子声曰某以帝 上咲曰卿也明日賜象牙棋一副至今

藏閣中又內閣庭中花臺上有芍藥三本相傳亦

宣宗時植至今盛開 同上

○國初諸司皂隸主騶從而已宣德時始有納良免役者聞宣廟因楊東里言京官祿薄遂不之禁名曰柴薪良天順以來始以官品降卑定立名數每歲良解部以鉅萬計在京諸司皆出畿內并山東西河南州縣南京諸司則皆出南畿州縣予未第時見京官索早良意頗薄之及仕官乃知其不可无也後官出庫常以有害於義欲奏請改作折俸各色俸爰而皂隸良數不足者乃以鈔絹補數庶幾名正言順屬草時以此事屬兵部折俸屬戶部事体窒碍不果行 菽園雜記

附錄

○宣德中全椒章惠知温州之平陽縣奉公愛民理繁就簡凡百公務不差隸卒勾攝止用粉板背繪刻隸卒甲乙為次傳

通以攝題其核曰不貪不食與民有足知入隨牌至庶免譴責
人咸信服不敢稽違由是察牘清簡而國空虛

蔡聘詩話

○舊制无巡抚侍郎寺官宣德中吏部止有蹇尚書左右侍郎
久缺后蹇奏保文選鄭郎中誠陞右侍時本部趙郎中新事
蹇嬖且久因歛望曰言于蹇曰鄭誠做得趙新如何做不得
蹇歎奏难于中命久之假以巡抚各處為各保陞十二人為
侍郎趙得列巡抚江西此巡抚之名自趙新始而蹇公之
心實欺君矣

海涵万象錄